

蒲類國王治天山西疏榆谷去長安八千三百六十里
戶三百二十五口二千三十二勝兵七百九十九人輔
國侯左右將左右都尉各一人西南至都護治所千三
百八十七里

蒲類後國王去長安八千六百三十里戶百口千七十

勝兵三百三十四人輔國侯將左右都尉譯長各一人

西且彌國王治天山東于大谷師古曰且音子余反去長安八千

六百七十里戶三百三十二口千九百二十六勝兵七

百三十八人西且彌侯左右將左右騎君各一人西南

至都護治所千四百八十七里